

T3180/081123

3

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 1 1946

四川保寧府廣元縣志卷之十三上

知縣事東魯單父張賡謨纂修

藝文

且自詩道性情而銘賦記傳亦莫非行其忠孝之
悃達其竒瑰之思以紀世運以寫風物以發揚美
善功德是以作之者可傳讀之者知感士君子尙
論稽古知世知人舍是莫由也廣邑爲自古勝地
全蜀要津山川鍾秀與夫宦莅於茲經行於茲者
其詩章文字皆足以追遡風雅鼓吹休明稱極盛

哈佛大學哈佛燕京
圖書館珍藏印

焉作藝文志

果親王題七盤嶺 碑在關上

劍州曾向盤山過蜀道今經嶺七盤盤入嶺頭天宇濶

雲棧掌中看

果親王千佛岩題 鐫在佛龕

是法妙難思非凡亦非聖恒河沙數佛儼然同一會撥

無邊邪見執有生憎愛諸法從本來常自寂滅相微塵

是地滴水注大海是則報佛恩普及於一切

言古詩

蜀道難

陳陰鏗

王尊奉漢朝靈關不憚遙高岷長有雪陰棧屢經燒輪
推九折路騎阻七星橋蜀道如此險功名詎可要

過龍門關

唐陳子昂

龍門非禹鑿詭怪乃天功西南出巴峽不與衆山同長
竇豆五壘宛轉復嵌空伏湍噴潛石瀑水生輪風流水
無晝夜噴薄龍門中潭河勢不測藻葩垂彩虹我行當
季月煙景共春融江關勤亦甚巖嶂意難窮誓將息機
事煉藥此山東

早上五盤嶺嶺七

岑參

平旦驅駟馬曠然出五盤江迴兩岸闕日出羣峯攢蒼翠烟景曙森沉雲樹寒松踈露孤驛花密藏迴灘棧道溪雨滑畚田原草乾此行為知已不覺蜀道難

赴犍為經龍門閣

側逕轉月壁危梁透滄波汗流出鳥道胆碎窺龍窩驟雨洗溪谷歸雲網松蘿屢聞羌兒笛厭聽巴童歌江路險復水憂竟愁更多聖主幸典郡不敢嫌岷峨

五盤嶺一統志七盤嶺在保寧府廣元縣北一百七十里一名五盤嶺

杜甫

五盤雖云險山色佳有餘仰斐棧道一作閣細俯映江木

踞地僻無網罟水清反多魚好鳥不妄飛野人半巢居

喜見淳樸俗坦然心神舒東郊尚格鬪東郊即東都巨猾何

時除故鄉有弟妹流落隨丘墟弟在濟州妹在鍾離俱不在故土成都

萬事好豈若歸吾廬

龍門閣

元和郡縣志在利州綿谷縣東北八十二里寰宇志一名葱嶺按利州即今廣元縣

清江下龍門絕壁無尺土方輿勝覽他雖險然在山腰亦微有徑可以增置閣道惟

此閣石壁斗立虛鑿石竅架木其上比他處極險一統志在廣元縣嘉陵江東岸長風駕高一作

黃元縣志卷之十三上藝文詩

白浪浩浩自太古危途中紫盤仰望垂綫縷滑石欹誰

鑿浮梁裊相拄目眩隕雜花頭風吹過一云雨百年不

敢料一墜那得取飽聞經瞿唐峽名在夔州足見度大庾嶺

在江西終身歷艱險恐懼從此數

石櫃閣方輿勝覽石櫃橋在綿谷縣北自城北至大安軍界橋閣萬五千有奇著名者石櫃

閣龍門閣

季冬日已長山晚半天赤蜀道多早一作花江開饒奇

石石櫃曾波上臨虛蕩高壁清暉田羣鷗暝色帶遠客

巖樓負幽意感嘆向絕跡信甘孱懦嬰不獨凍餒迫優

游謝康樂放浪陶彭澤吾衰未自由謝爾性所適

益昌行並序

歐陽詹

貞元中天子以工部郎中興元少尹吳興沈公長

源牧利州其為政五年予旅遊由於利觀人安物

阜欽所以美作詩一章利州故益昌郡也日日益

昌行

詩曰

驅馬至益昌倍驚風俗和耕夫壟上誰負者途中歌處
處川復原重重山與河人煙遍餘田時稼無閒坡間業

一何修太守德化加問身一何安太守恩懷多賢哉我
太守在古無以過愛人甚愛子理邦如理家雲雷旣奮
騰草木遂萌芽乃知良二千德足爲國華今時固精求
漢帝非徒嗟四氣有青春衆植佇楊葩期當說霖雨天
下同滂沱

登讀書臺

宋司馬光

舟航日上下車馬不少間近邑輳商賈遠峯自雲烟

和利州鮮于轉運侁字子駿公居八詠

桐軒

朝陽升東隅照此庭下桐奉奉復萋萋居然古人風跡
柯青玉聳密葉翠羽蒙午景凝餘清夕照留殘紅雨響
甍棟外風生戶牖中主人政多暇步賞常從容終當致
威鳳覽德鳴嗒嗒又將施五絃解慍歌帝宮

竹軒

茲軒竄灑落歷歷種琅玕正晝薄書稀蕭蕭風雨寒翠
陰涼宴坐踈韻承清歡錦籜裁夏扇玉笋供春槃晴蝸
潛葉底嘒雀投林端幽興遇物愜高懷隨處安且免一
日無何須千畝寬

栢軒

凜然凌霜色本自生丘壑徙之君子庭栽培固不薄靜
夜聲颼颼音郊清晝陰漠漠秀氣逼簷楹翠影迥簾箔知
君梁棟材大匠偶未度但守歲寒心閑軒亦不惡

巽堂

華堂選形勝地直巽之隅主人心潔齋公閑此燕居西
來故鄉客東過朝大夫時逢志所愜下榻同歡娛琴碁
間壺觴賦詠雜歌呼民間既羲皇席上宜華胥每息就
一醉幸無官守拘奈何三千里風埃與泥塗

山齋

幽蹊入桃李危棧蟠林麓行行忽虛敞高齋出山腹圍
圍近指掌郊郭紛盈目春老醪醕香夏淺簣箬竹名綠條

橫喜冒衣笄迸乍穿屋秋江澄可卷冬嶺翠如樸煙間
漁艇小塞外材居獨燒轉望畚田響答聆伐木驚麇挺
走險鳴禽嚶出谷物華時變更興趣日相續誰知使者
尊常著野人服肯以駟馬榮區區誇也鄉族

間燕亭

吏治正倥傯夫君何燕閒繭絲既云寡符移皆可刪子駿

奏減役錢幾印封從事散躡屐升東山放杖坐危亭清
半朝廷是之嘯出雲間無私席賓少忘機林鳥還野人瞻翠微稽首
雙眉班

會景亭

景物浩無窮茲為一都會之人心若鑑萬狀盡相對喬
林擁砌底修嶺倚牕背流雲過席上去鳥出天外徐徐
杖屨征藹藹郊原晦來往亦何為逍遙真樂內

寶峰亭

孤亭冠山椒下視物不隔六合縱心賞萬家窮目力髻

雲鳥奴翠衣帶嘉陵碧霞生白水尾日沒九龍香煙凝

朝夕市塵飛往來驛雖復對紛紜何嘗改岑寂實兼觀

風遠非徒選勝遠巴峽少平田每苦天宇窄及茲伏櫺

檻坐瞰南北極先君昔乘輅名題古寺壁侍行尚垂髻

孤露今戴白讀君登臨詩舊遊皆歷歷永無膝下歡終

篇涕霑臆光天聖中侍先君為利州路轉運使題名詩寺子駿皆為之刻石

寶峰亭

宋轉運使鮮于侁

金城環雉堞雲屋瞰闐闐雙林聳江石九隴覘天外

題蒙養洞洞在普通寺後

明邑令劉崇文湖廣澧縣

何年鑿蒼壁窮洞雲悠悠不見咿唔侶養正名空畱苔
 堦攢鳥跡科斗映霞坵人家幾闕閱詩禮疇為謀名山
 紛洞府羽客多夷猶何如此石室千載標蒙求白鹿遺
 訓古迢遞匡廬秋

出嘉陵江

明大楊學士

慎四川新都

嘉陵瑛且長千里如投梭洋洋者緜水觸石楊白波透
 迤似有情相送出褒斜雲氣接江腦日色破浪花冥冥
 下無極疑是神龍家垂藤飲猿狖滄淪接陽阿中有南
 行舟遙遙出三巴惜哉不可往巨石劇狼牙我欲斲

七盤關

鄭日奎

迢迢七盤山地勢介梁雍三秦及兩川形勝資以控重
關樹雲外竒險信天縱我行歷荒阻及此彌惓惓倭遲
幽壑底風烟莽澗洞循磴蜿以蜒勢若蛇出甕車馬疲
登頓徃徃失銜鞚仰視山雲高俯聞江浩洶謝公良矯
情嗒然輟吟諷聖明今御宇此道通職貢梯航走西
南行役日以衆懷遠惟以德天險安所用何事勞山靈
崎嶇日迎送吾欲鏟壘嶂大地一鴻洞臨風重惓然視
天猶夢夢

龍門閣

刑部王士禎
尚書
新城
山東

衆山如連鼇突兀上龍背鱗鬣中怒張風雨晝晦昧出
爪作之而神奇始何代亂水趨嘉陵波濤勢交滙萬壑
爭一門雷霆走其內直跨背上行四顧氣什倍夕陽下
岷峨天彭光破碎咫尺劍門關益州此絕塞子陽昔躍
馬妖夢成伯儼區區王與孟泥首終一概李特亦雄兒
僭竊竟何在

朝天峽

朝登嘉陵舟日出羌水赤履險倦鞍馬即次亦稱適黠

黠雙峽來突見巨靈跣嶄巖無寸膚青宜厲雙翮陰崖
積龍蛇跳波長鯨擲徃徃壓人頂駭此欲崩石洞穴峽
半開兵氣尙狼籍蛇豕據成都置戍當險阨至今三十
年白骨滿梓益流民近稍歸天意厭兵革會見賓盧人
燒畚開碩碯慷慨一扣舷浩歌感今昔風便黎州城菜
茫波濤白

飛仙閣

山行喜乘流江平况如練岸粵有開闔竹樹一蔥蒨人
言利州風今朝冷然善灘如塗毒鼓舟劇離弦箭仰眺

飛仙閣鳥道危一線彎環歷三朝向背窮九面絳雲卷
 輕綉白日遞隱見嘉陵碧玉色晴雨皆婉孌想見吳道
 玄應詔大同殿此生兩經行天遣追勝踐醉帽停烏奴
 已泊益昌縣蜀諺云利州風雅州雨

千佛巖

江作大圓鏡山為寶樓閣莫遣丹霞闌木石總燒却

千佛巖葭萌勝蹟日久殘摧頰多張明府企豐捐
 俸重修余道出於此因味以紀其盛

營山令王爾鑑河南盧氏

石壁聳江干嵌空若屏幃
 嶂渾沌初未鑿冲虛無色相
 出靈孕真宰幻出千佛樣
 朴鑿天豈欣慈航心所向
 昔我初來時千身一苔障
 今我又來時金碧湧江浪
 不惜億萬錢豈其禱殊貺
 願借無生力調彼眾生恙
 霏雨散香花二月春波漲
 鴻瀾寫層崖慧目光洗漾
 我欲問空色變化殊難狀
 但見推青嶽雲帆波下上

集毛詩六章祝張母朱太夫人六十大慶

大學士陳世倌

其一

松栢九九如月之恒既受多祉以莫不增

其二

誰謂荼苦我心匪靡以事一人小心翼翼

其三

淑慎其身教誨爾子邦家之基瞻言百里

其四

以似以續則篤其慶念昔先人休有烈光

其五

彤管有常何天之休求世克孝福祿來求

其六

俾爾熾而昌俾爾壽而臧稱彼兕觥申錫無疆

祝張室賢妹節壽

副都統朱倫瀚

吾宗春秋時居防系惟邾數傳乃去邑瓜瓞振鴻圖簪

纓何綿遠累世昭華撫桓桓魯邛公惠政滿林胡豈惟

嗣賢盛生女德可模余昔遊雲中昆季隨庭趨四妹方

髻齒婉婉與眾殊幼習大家訓于歸能相夫有女一鸞

翔有子雙鳳雛頃聞悲寡鵠茹蘖養兩孤軋軋寒机鳴

縷縷殘絮鋪螢螢火暎榻皎皎月懸梧酒醴供先祀辛

勤完官租勸兒結良友
誨兒讀父書兩甥克成立
心血幾於枯次甥嗣大宗
攜子孝生姑卓哉大義明
節孝感賢愚綽楔表螭頭
龍章來帝都辛未晤大姪
詳細述向予德邁班氏妹
撫懷欣老漁屈指六十年
記憶渾如初賢甥紹芳術
迎養樂綵輿花縣壽慈母
鶴舞班衣娛光輝耀里閭
栢操蔭桂株

千佛巖

碑在佛龕

邑令

張賡謨

山東單縣

江流淺且清石徑滑復冷
峯頂轉夕陽水落千佛影
赴木旣轉兩會等堡至百丈偶紀

其一

偶出東門遊秋風吹我襟
幽壑晚涼發夕陽墜跡林牛
羊下來急鴉鵲有餘音路
迴坡影暗樹拂月生陰十里
尹家宅燈火通遙岑止哉
消夜永流泉聽鳴琴

其二

爲登山頭路不惜趁早行
艸樹足新露墜面饒餘清初
日湧雲起殘月隔林明憐
彼田家子終畝已輟耕

其三

輒馱路多轉不覺山已高
跨樹臨絕壁空谷風蕭蕭千

尺狐厓陡百折蛇逕遙輿馬窮所進嶽岑鬱岿拄杖
更捫葛牽挽如猿猱旋轉溜沙滾十蹋九不牢一步一
坐嘆瞻顧寒生毛透迤白日晏覓夔息山腰足裂腕欲
折豈徒心思勞

其四

行未至青河又報來黃洋大嶺經三度俯仰兩日忙手
足俱不任安得縮地方忽聞屈人語深溪通漁舫買舟
半日掉逆流官道旁恍似天外至摩空一翱翔願假千
溝水流通遍我疆

蒙養洞次劉洞衡前

令韻

碑在洞內

峭壁懸古洞雲水環悠悠楚客耽幽賞題詩遺碑畱我
來窮攀躋琳琅耀丹坵在昔重蒙養念茲誠良謀長嘯
懷前哲後先思其猶嘆息雪上爪鴻去何從求一杯壽
山靈瑟瑟松桂秋

七言古詩

蜀道難

唐李白

噫吁噉危乎高哉蜀道之難難於上青天蠶叢及魚鳧
開國何茫然爾來四萬八千歲不與秦塞通人烟西當

太白有鳥道可以橫絕峩眉巔地崩山摧壯士死然後
天梯石棧相鈎連上有六龍迴日之高標下有逆折衝
波之流川黃鶴之飛尚不得過猿猴欲度愁攀緣清流
何盤盤百步九折縈崑巒捫參歷井仰脅息以手撫膺
坐長嘆問君西遊何當還畏途巉巖不可攀但聞悲鳥
號古木雄飛呼雌逸林間又聞子規啼月落愁空山蜀
道之難難於上青天使人聽此彫朱顏連峯去天不盈
尺枯松倒掛倚絕壁飛湍瀑流爭喧豗峻崖轉石萬壑
雷其峻也若此嗟爾遠道之人胡爲乎來哉劍閣崢嶸

而崔嵬一夫當關萬夫莫開所守或匪人化爲狼與豺
朝避猛虎夕避長蛇磨牙吮血殺人如麻錦城雖云樂
不如早還家蜀道之難難於上青天側身西望長咨嗟

蜀道易篇送別府君吳龍圖

宋郭祥正

長吟李白蜀道難蜀道之難難於上青天長蛇併猛虎
殺人吮血毒氣何腥膻錦城雖樂不可到側身西望泣
涕空漣漣其辭辛酸語勢險有如曲折頓挫萬丈之洪
泉世人不識寶玉璞每欲酬價齊刀鉛求之徃古疑未
有惜哉不經孔子之手加鏡鑄公今易節帥蜀國爲公

重吟蜀道篇旌旗翻空度劍閣甲花照雪叅林顛雲巖
連催谷聲碎畫角漫引斜陽懸竹馬爭迎舊令尹指公
長髯皓素非往年蜀道何坦然和氣拂拂回星躔長蛇
深潛猛虎伏但愛雄飛呼雌響亮調朱絃時乎樂哉公
之往也九重深拱堯舜聖廟堂論道孔孟賢撫綏斯民
賴良守平平政化公能宣束兵與學有源本何必早夜
開華筵嘗聞家家賣釵釧只待看舞青春前此風不革
久愈薄稔歲徃徃成凶年噫吁嘻今我無匹馬安得從
公遊盡書政績來中州獻之明堂付太史陛下請捐西

顧憂

黎州城

宋唐庚

黎州酒貴如金汁解盡寒衣纔一吸

嘉川驛

司馬光

嘉川之西過新棧幾里朱欄繞青壁我行落月尚在水
水影照人襟袖白繁英雜綴修蔓上綠錦纈帶垂百尺
清香滿馬去未休賴爾春風慰行客

蜀道易 有序

明方孝孺

唐李白作蜀道難以譏刺帥之酷害厥後高舉
治蜀陸暢反其名作蜀道易以美之今其詞不

傳伏惟今天子以大聖御極殿下以睿哲之姿
 為蜀神明主臨國以來施惠政崇文教中外同
 聲稱詠西方萬里之外水浮陸走無有寇盜商
 賈駢集如赴鄉閭蜀道之易於斯為至矣臣才
 雖不敢望白而所遇之時白不敢望臣也因奉
 教作蜀道易一篇以述聖上及賢王之德名雖
 蕪暢而詞溢
 穢頗謂過之

美矣哉西蜀之難何今易而昔難陸有重巖峻嶺萬仞
 鑿天之險閣水有礮雷掣電懸流怒吼之江關自昔相
 戒不敢至胡為乎今人操舟秣馬夕往而朝還大聖建
 皇極王道坦坦如絃直西有雕題鑿齒之夷北有氍毹
 推髻之貊東南大海際天地島居州聚千萬國莫不奉

援蘿躋磴挾風雨小龕大龕隨所之花川蜀處華夏賢

鬼斧神工不可窺反壁勒痕半磨滅存和人裕桑兵歛

掬流播灑洗塵面垢脫蘇剔仍楮頤乃鑿山焚荒穢畧

雲根鑿處混沌鴻我思操椎挈斧者矯重開避美哉蜀

百相千相隨手出瑤瓊華鬢龍象姿給都萬室比屋如

舍衛成空今在茲踟躑少憇仍訪古名孔明之仁嚴鄭

文昌老去景讓死李先史炤渾輝隨咸賢哲方回參方

眉宇彷彿忝紫芝仰面層巒煥金碧欲令致化希華勳

恒沙佛數那可記鐫者大千猶堪唾無爭先而駿奔王

古來祇有惠能知我悲多佛緣相累朕承只在國政並
山影半天落濤面鷓鴣瀉瀉迤禪嬉栢代民盡為獸與
虹橋跨礪空漣漪青冥長嘯月皎皎難今逢天子聖賢

平樂蘭若行

碑在寺內

淫孌夫弱婦懷

萬峯迴合開靈區鯨音縹緲迎雙鳧林此咄爾四方來

懸崖虎蹲樹半枯入門小坐縱孤眺幾

邑劉崇文

龍泉直北帶雲流石堦螺崑紛窳獠三

西嶺月出啼老猿乾坤俛仰此金地孤國而上那記睹

老僧曳杖隨我遊指點叢林俱手植樹時解帶還探音

琛執贄効朝貢春秋使者來接迹何况宮梵宇宛平地

王於此開壽域播以仁風沾以義澤家者漫漶校轉疑

葦豺狼變化作騶虞蛇虺消藏同蜥蜴知韋抗此功德

水剷崖石帆檣扇履任所往宛若宇宙若猿猴棧閣垂

道之易有如此四方行旅絡繹來遊成圍一片黃金地

雲桑麻蔽原野鷄犬聲相同文翁之化題鳥篆留龕楣

之節楊馬之文遺風漸被比鄒魯士行平學士王欽若

今况有賢聖君大開學館較論典墳坐徃從之無丹梯

微賢一詔到巖穴咄爾四方之士孰不樹無臺更無物

道有通塞蜀道無古今至險不在山與殘臂斷墮江湄
人心六朝五季時王路嗟陸沉遂令三堂何處大雲散
禽當時豈惟蜀道難八荒之內皆晦陰聲鳥聲和我詩
王之德世所欽文教洽飛動風俗無邪
千金悍吏熟視不敢侵蜀道之易諒在深折入兩河口
者不憚山高江水深
片青霞浮遠嶠

千佛巖漫興

碑在佛龕

明合

山東望擁朝暎

千佛有龕來幾時止傳勝國鐫字碑勝松突起如人立
滄江翠壁難爲咨我行問俗幾駐旆右納當年禮法華

白頭拄錫仍天涯給園祇樹不可見坐中誰共演三車
我令一切空所有鹿門居士真無垢亭臺殿閣倘莊嚴
衣鉢連延應不朽響溪孱孱此會心踟躕無語花冥冥
筇輿長嘯出林去閒却囊中綠綺琴

皇澤寺漫賦

寺有武后像鄉名則天以此

寺榜皇澤何皇澤鄉標則天緣則天都督當年此開府
生兒長女經幾年帝妃以降事非偶後來虐焰知無前
早披汗簡唾未已穢聲猶自蒙山川我聞天綱最神鑿
奉詔北走聊停驂錦堂延納迴朗照慶爽韓國俱別甄

壘也在抱露頭角龍顏鳳頸驚昂然爾時長衫掩蕙質
 步下已覺生金蓮神采翩翩轉澳澈更評相比庖羲妍
 登車尚訝懸弧者他年農牝豐應延椒房一入王氣裊
 淳風占在花鈿邊珠翠羣中隱劍鐔那知轉盼生戈鋌
 黃臺瓜蔓半推落虞淵取目誰旋乾當時已卜唐祚缺
 遲迴稔禍疇其愆乃知識數自眇小鵲巢麟迹光遺編
 我來山寺一訪古瑤龕零落名空傳暮靄朝雲幾變幻
 乾陵歲歲聞啼鴉

射虎碑

碑在梅嶺

明大學士

楊慎 四川新都

錦毛黃斑雙耳缺梅嶺白日行人絕壯士彎弓與虎決
 咆聲撼山箭滿血生提虎子出虎穴七十骷髏死冤雪
 昔使饕餮再萌蘖赤焰燦雲翠微熱崗原兀兀山節節
 窞洞封谿比丘埵清風洒滌腥風滅行人言之猶吐舌
 嗚呼貫侯才傑有如此何不早樹三邊烈

飛仙閣

飛仙閣上玄珠侶千佛岩前巴字水夜來取水滌玄珠
 劍舞幽關鶴鳴壘我家本是乘虛人芒鞋初試杖藜春
 振衣忽到凌風館不傍桃花空問津

蜀山高篇

王廷相

蜀山高高不可度予胡爲兮在中路坂逆折兮巉天嶂
 迴合兮迷處我馬凌兢我徒怖雲溶溶兮滃霧沾我衣
 襦我袴中原遙遙白日暮嘅虎兕之率野媿蛟龍之天
 翥

白花石泊舟

邑令

張賡謨

枇杷黃時蕉葉綠奚童看農東山曲忽來
 檝我閩中行孤艇束人餽釜促白花石口花維般澄波
 百頃浮虛天小風徐徐夜氣靜一聲長嘯江月圓

中秋夜雨會河舟中作

晴江千尺澄清泚水底沙明翻青紫一葉徜徉奩鏡中
 水晶宮裏珊瑚紅柳幕陰森檣櫓進浪花堆雪寒生鬢
 習習雨腋清風生滌盡塵襟肌骨清吾聞天上冰輪最
 高寒桂花露滴珍珠盤長波月漾孤光起夢魂飛入蟾
 窟裏有客勸酒瓊瑤杯藕絲鱸膾花成堆休燈滅燭意
 脉脉海角曉日連天白

西堂老樹歌

碑在西廳後迴廊

礫砢老樹何偃偻萬畝陰垂出前廡盤根未識經周秦

枝秃應憐排雷雨西堂局後不紀年寂歷歲月此守土
亦有雜木參錯生矯矯神龍豈其伍我來芟蕪獨相求
一曲藥欄慈竹古更濬小溪導流泉茅誅頓覺闢宙宇
碧廊湘簾捲綠天旭日斜引光如縷時有好風吹人衣
却盡煩暑夢岫嶺莫嫌久淹知者希殊尤遇之終有主
人有顯晦物亦然紛紛豐草無與數

觀音寺僧壁 碑在寺內

應山之峯有寺古蒼松秃栢挿天挂水光嶽色時深澗
鬱鬱濃陰覆竹塢中有老僧清而癯夜汲山泉煮茗苦
靜聽鳥聲喧空林明月臺下風飄塵我坐小齋日望之
打衙聲裏聽鬻鼓覺有清風東南吹不為胸襟洗塵腐
雲外仙界原非同對面直如岐宙宇安得吏退潛入來
一枕黑甜傍日午

夕陽

夕陽斜透窗紗紅老樹踈枝蛟盤宮橫影歷落東墻中
丹青墨妙將無同乍驚一鳥潛花叢飛且鳴兮穿鬱葱
此景是畫畫工窮鏡水花月掙輕風迴廊徙倚來醉翁
醉翁眼花霧濛濛茶香烟細垂簾櫳餘曛已盡亦何有

大笑實語色是空

廣元十二景

南度孤舟

秋山澹澹水溶溶
奩開倒插青芙蓉
半掩蓬窗過飛雨
誰家艇子來虛空
柳暗沙明江頭路
欸乃一聲寒烟暮
城內遊人歸未歸
當天皓月臨古渡

寶峯夜月

利州城起鳳凰麓
鳳距嶙峋高矗矗
半翼舒來列寶屏
巔有靈湫漾輕縠
陣陣霜風秋波盈
樓頭簾捲新鏡明
天邊月晦無明月
偏向寶峯池中生

金山晚照

上春晚晚天欲暮
彩霞遙射珊瑚樹
珠光熠燿翠雲閒
赤城流焰爭四布
由來有金山方鳴
而今看山金鑄成
前溪影落風不定
琉璃破碎錦鱗生

烏龍寶頂

一峯崢起何嵯峨
橫空倒影推晴波
蜿蜒游龍勢矯若
排雲直欲飲天河
曾說仙人頂上奕
上有孤松樾千尺
月夜棋子聲猶聞
幾度柯爛迷踪跡

雪峯樵歌

雪峯峯頭風雪急屹然雙石如人立依稀柴擔晚歸來
時有歌聲石內出元仲當年興何豪雪裏買樵立斷橋
我欲日日策杖至傾尊大白浮山椒

九峯排戟

蜀山攢黛多崇峻九十九峯插萬仞千年偶駐赤帝營
至今排戟作嚴陣長劍倚天天外長光摧碧落參微茫
日暮白雲吹不散陰陰猶覆温公堂

大雲千佛

五丁劈山山石裂幻出千佛無生滅衢路日日車馬喧
闕盡浮塵根斷絕江如圓鏡清光溶億萬法象顆粟中
一度西風巖花落散將天女色爲空

丙穴魚潛

石櫃閣下巴字水上連丙穴清且泚年年看春上巳前
恒見潛魚澄潭裏潭裏有魚嘉無倫漁戶結網復垂綸
勗哉鯤鯪戒無取畱待滿尺能幾旬

龍洞秋雲

爰兀葱嶺拔地起古洞窈渺深澗裏幾年神龍穿壁過

徃徃飛霞散成綺自從洞關通江流不怕銀山浪打頭
洞上閒雲空長在龍兮龍兮今何求

朝天曉霞

銅壺滴斷霜天曉鷄聲哢啞亂啼鳥陽鳥赤水驚初飛
萬縷紅霞散繚繞朝天一覽錦繡中晴雲旭日光瞳瞳
猶憶日觀峯上立決眚海門扶桑東

籌筆懷古

江上隱隱籌筆驛人代速於掣電疾井竈依然在眼前
憶煞上將行軍日屯田此去何從回五丈星沉心未灰

羸得偏安綿漢祚都自神筆籌謀來

七盤拱鎮

造物作意判秦蜀特地高嶺盤七曲一曲一盤盤入雲
關門鎖斷秦山綠拱鎮邊原勢巍然咫尺管鑰開全川
於今爭吟蜀道易梯航職貢來年年

五言律詩

愁生詩

唐杜甫

高齋常見野愁坐更臨門上月山寒重孤城水氣昏葭
萌氏種迴左擔犬羊存終日憂奔走歸期未敢論

問津驛

樓壓寒江上開廉對翠微斜陽諸嶺暮古渡一僧歸
迥雲衝起汀遙鳥背飛誰言坐多倦目極自忘機

姚鵠

利州北佛龕前重於去歲題處作

蘓題

重巖載清羨分塔起層標蜀守經塗處巴人作禮朝地
凝三界出空見六塵銷臥石鋪蒼蘚行藤覆綠條
書有記非為學題橋

蜀道難詩

張文琮

梁山鎮地險積石阻雲端深谷下寥廓層崖上鬱盤飛
梁架絕嶺棧道接危巒攬轡獨長息方知斯路難

嘉川道中寄周正孺

文司

草木春深處山川雨過時清佳常滿目衰倦敢忘詩
尚舊若此飄零今比誰爭如畫堂上日日聽新詞

寄鮮于子駿利州轉運使

宋文與可

西鄉巴嶺下嶮道入孱顏使騎到荒驛野禽啼亂山
民青靄裏訪古白雲間幾日南城路新詩滿軸還

千佛崖刻在佛龕

明保寧府通判方清

穿鑿知何代羊腸忽坦然厓端落紅雨佛頂生青烟水

鳥啣魚過山僧枕石眠根塵既幽絕豈厭車馬喧

千佛崖

刻在佛龕

明保寧知府

趙訥

何年鑿渾沌故此示閻浮巖儼菩提勝江澄明鏡秋霞

標遙魏闕蟻垤俯齊州一切俱消釋神游孰與謀

懋南龕寺用南濱韻

川北楊瞻道

荒山圍古寺羅列盡高峯好鳥爭穿竹蒼松迭擁蓬僧

房連古洞佛閣挿晴空但得浮生眼不妨久住驄

其二

古寺埋雲裏環圍多遠峯山頭皆擁栢殿閣半生蓬古

洞深藏靈危樓斜倚空高僧間說偈不覺久停驄

題思賢舖

碑在舖街

前鸞

兩投急遞舖扁上見思賢夜做周公夢醒懷李謫仙元

非東閣地正對碧山巔有待白雲館高歌采采篇

六月抄蜀寇來犯廣元

總督周有德

蠢爾荏苒冠橫行敢抗顏比戈成信宿流羽犯重關畫

鼓喧巴水炎烽徹蜀山傳餐馳露布不遣隻輪還

仲秋朔蜀逆餘孽水陸進攻四犯廣元

狂蠻何敢扈屢起偏風塵陸海舟車合冰霜壁壘新扶

傷能陷陣報國豈謀身笑汝披猖者同摧一水濱

送張企豐宰葭萌

侍讀周長發浙江會稽學士

圖史傳鄒魯清聲守辨香鳴琴臨蜀道飛驛入黎陽山

影葭萌翠江流劍閣長桑田千室潤三載奏循良

舟次青縣懷張廣元企豐

掌四川朱道御史 補山東單縣

劍閣琴臺夢秋風五載遲錦城花色麗青縣暮雲移遊

客懷芳杜居人賦竹枝東籬猶有菊應笑兩參池指已

在樂源讀書弟榮歸未遇今余復以秋旋第方在葭萌

其二

昨解瀛洲珮樞鳥伴曉鴻碧霞生崖幘紅日上窗篷老

友懷張仲風流比謝公嘉陵江畔月今夕應相同

羊模壩

邑令張賡謨

心倦蚕叢路平原喜暫開麥苗隨雨綠凍雀向人來成

俗豚鷄靜紀時草木催漫云山僻處猶得識無懷

雪夜曉行

朔雪寒吹夜征鞍曉戒途行行來雁影點點入冰壺

子立堪買漁翁歸作圖梅花兼有意咲傍酒家爐

其二

雪重凝鉛粉，裘輕賦木綿。獨憐金作鏡，不惜玉爲田。山
骨獻風碎，雲根激水連。衝寒猶有客，策蹇斷橋邊。

大梅嶺

蕭蕭落葉下，萬點撲征鞍。衰草逃危磴，谷風瀉急灘。近
依孤嶂外，遙在碧雲端。日暮東峯寺，空窻客夢寒。

飛仙嶺

飛仙真絕險，峭起萬山頭。九面圓於削，一江曲似鉤。峯
高雲拂寺，境寂夏長秋。如線關門路，凌虛不可求。

丙夏彭道長見訪

色教 應德備 論

官頻顧我，謂我樂無涯。岬拍三篙水，池喧兩部蛙。短
簷低度燕，僵樹巧蟠瓜。謾道官閒冷，談文酒對花。

丙子閏重九

未放秋光，老天教令節，重選邀題賦。友更上最高峯岸，
鞠依然瘦縹，膠分外濃。寶山須讓我，兩度豁心胸。

賦得埜含時雨潤

纔歇廉纖雨，凌晨步屐遲。土膏蟻細膩，山色發華滋。鳧
落新晴水，花繁帶露枝。豐占二十六，已見麥秋時。

其二

天際收殘雨青皋極目時林疎鋪碎影風細轉游絲露
湛芊芊草萍開曲曲池神功歸橐籥宿霧一朝披

賦得秋露如珠

芸閣三秋露溥溥草際浮波須金掌握落倩玉盤收其
訝鮫人贈還疑赤水流無勞南越獻官雨遍黎州

荷喧雨到時

水榭追涼處竹簾一放歌雲頭深似墨波皺細如羅蕭
颯來山雨刁騷響菱荷從今池沼上添得鼓吹多

邑候張公延師開嘉陵書院恭紀

邑庠 石崇憲 生

建學崇文教政先及泮庠藻芹迎日煖桃李沐春光院
靜蘭生艷堂開桂吐香羣英沾化雨膏澤潤文章

贈書院李正菴先生

大雅文章萃門墻桃李芳花開江氏筆筵傍召公堂北
斗星增彩南山豹吐光參苓收藥籠斯道賴君昌

七言律詩

過利州

唐 劉禹錫

漢壽城邊野草春荒祠古墓對荆榛田中牧豎燒芻狗

陌上行人看石麟
華表空中驚霹靂
碑文纔見滿埃塵
不知何日東瀛變
此地遷成要路津

籌筆懷古

薛蓬

天地三分魏蜀吳
武侯崛起贊訃謨
身依豪傑傾心術
目對雲山演陣圖
赤符運衰終莫挽
皇綱力振命先殂
出師表上留遺恨
猶自千年激壯夫

籌筆懷古

羅隱

拋却南陽爲主憂
北征東討盡良籌
時來天地難同力
運去英雄不自由
千里山河輕孺子
兩朝冠劍恨譙周

惟餘岩下多情水
猶解年年傍驛流

利州南渡

唐地理志利州隋義城郡武德八年改爲利州

溫庭筠

澹然空水帶斜暉
曲島蒼茫接翠微
波上馬嘶看掉去
柳邊人歇待船歸
數蘂沙草羣鷗蔽
萬頃江田一鷺飛
誰解乘舟尋范蠡
五湖烟水獨忘機

籌筆驛

方輿勝覽籌筆驛在利州綿谷縣北九十里蜀諸葛武侯出師嘗駐軍籌畫於此

杜牧詩求安宮受詔籌筆驛沉思畫地乾坤在濡毫勝負知

李商隱

猿一作魚鳥猶疑畏簡書
風雲常爲護儲胥
徒令上將揮

神筆終見降王走
傳車管樂有才終
不忝關張無命歛

一作何如他年錦里經祠廟梁父吟成恨有餘

利州江潭作原注感孕金輪所唐書利州義成郡屬山南西道朱長孺云按武后自

冊為金輪皇帝父士獲為利州都督生后袁天剛見之六驚曰當為天下主也見譚賓錄

神劍飛來不易銷碧潭珍重駐蘭橈自攜明月移燈疾

欲就行雲散錦遙河伯軒窗通貝闕水宮帷箔卷冰綃

此時燕脯無人寄雨滿空城蕙葉雕

送虞伯生使蜀詩

元吳成季

送別因思舊所經秦州花柳短長亭三峯高附仙人掌

萬里先告使者星錦水東流江月自潼關西去蜀山青

當年不盡登臨意待爾重鐫劍閣銘

千佛崖鐫在佛龕

葛湮

絕壁懸崖閣道連煌煌全蜀幾更年三千佛誦華嚴偈

五色雲開寶座蓮劍石埜僧鐫梵像嘉陵江月印心禪

不須更種菩提樹享滅無生了萬緣

千佛崖鐫在佛龕

元俞察罕不花

鑿石穿崖作殿楹肖形刻琢儼如生路臨峻壁龕邊過

人在危崖棧上行藹藹雲峯當戶秀滄滄江水入簷清

憑誰借問宮中老曾在人間幾變更

千佛崖次 察罕廉訪韵 鐫在佛龕

述律鐸

丹崖琢就玉榼楹何代人為佛寫生勝喜可瞻還可仰

不唯堪畫更堪行山頭樹色連空碧棧下波光澈底清

若使般輪來至此盡施工巧莫能更

過千佛崖 和察罕廉訪韵 明舉人 劉成穆 崇慶州人

丹壁蒼崖青鐵楹崖頭石潘蘇苔生千年刻畫魚龍擁

白日陰溟麋鹿行金草細搖蘿洞冷玉魚橫過石樑清

臨流拊樹看心折野寺黃碑月二更

過千佛崖 聯句 鐫在佛龕 按察使 來大濬 浙江蕭山人

兵備道 張敏時 浙江嘉興

同遊夙約記今春 來把酒臨江秋意新千佛有碑題往

迹 張 層崖無地破微塵舟航上下風波裏 來鷗鷺飛鳴

洲渚濱共喜西征從撫化 捷音先已報楓宸

千佛崖 鐫在佛龕 刑部員外郎 甘 茹 富順縣人

鐵壁臨江電古藤雲龕遺像冷無僧風傳過櫓喧空界

月抱游魚駭佛燈花雨深秋香不散松陰絕頂險難登

磨厓遍認前朝字苔蘚模糊未足憑

千佛崖次甘泰溪韵 鐫在佛龕 明保寧知府 趙 訥

禪理由來謝葛藤非經非佛亦非僧果因兩化寧須像
明滅俱無不用燈下界蒼茫看實際上方恍惚在虛憑
何緣謁帝排闥闔誰肯天邊引玉繩

千佛崖 鐫在佛龕

鄭振先

千佛層崖傍水濱誰將刻畫託露真江山幻出無生相
風雨吹殘不睹身曾聞隋唐同過隙總憐來往盡迷津
休言冷落無香火却恐禪那是清塵

勸農東郊之雪峯院紀行 碑在寺內

明保寧 知府

勸農十里梵王宮駘蕩東風景物融萬壠麥蹊鋪夏綠
一川桃樹醉春紅看顯崖壁歡諸友藉草花村聖復中
不放接羅今倒着免教拍手笑兒童

何侯招飲皇澤寺泛月紀興 碑在寺內

明翰林學士 黃輝 四川南充

碧玉嘉陵靜不流山城一半水烟浮接天寶樹行青雀
帶雪虛峯下白牛蓮社風期孤客貫苔龕名字幾人留
今宵明月同歌笑何似當年李郭舟

曹友聞祠

捲地胡塵可奈何
大旗風雨遮關河
荒林不辨將軍樹
隔嶺空傳壯士歌
深夜有人聞鉄馬
斜陽無事看金戈
汗流蕭瑟英雄淚
流入岩山怨恨多

平樂寺卽事用南濱韵

碑在寺內

明川楊

瞻

深山古寺埋松栢
門外廻旋四五峯
石磬下當如說偈
風幡招展似飛蓬
當天古樹斜垂地
補路懸橋半借空
我欲趑閑恣一賞
春衣不必更呼驄

其二

三條山下尋山寺
環寺連連羅列峯
畜鹿陪禪眠藉草
栽花當戶懶埋蓬
清泉遠灶烹茶便
玄鶴翔雲放樹空
借此清幽消半日
叫童松下飽扶驄

興隆道中

薄暮纔尋荒寺宿
溪山險絕果疲神
清泉當戶如迎客
翠竹環牆又可人
燕尾寒流三峽去
虎頭畫壁百年陳
夜間更喜山僧話
爲說招提亦有春

其二

溪山曲盡難名巧
方信蒼蒼造化神
鳥道依稀天上路
林岩彷彿畫中人
松藏老鶴猶嫌小
石藹清流不記陳

松栢含烟塞古寺通梅先洩殿角春

石樵夫歌

碑在雪峯寺

邑令 劉崇文

一個樵夫正伐柯天花落處滿山河輕輕斧斷雲根巧
短短簑披雪片過重扭兩頭肩上壓新詞一曲口中歌
前村有酒將薪換爛醉歸家樂趣多

和雪峯石仙人樵歌詩依韵

碑在寺內

明川 姚誠

一局棋殘爛斧柯雲團當笠雪明河辛勤不憚峯巒僻
蕭散那知歲月過野鹿行遊成密契青猿着傲擬賡歌

山頭風物肩頭葉帶雪酣歸興趣多

嘉陵江

明狀元 楊慎 四川新都

江上西風晚作顛江頭歸思雨如烟山城鼓動人收市
沙埠潮平客上船燈影亂隨檣影去灘聲相雜兩聲喧
傳名物色人何在千載中流憶濟川

舟行

邑令 周之美 湖廣黃岡

上一灘兮又一灘挽舟鼓棹破層瀾樹連碧漢垂蘿帳
雲鎖竒峯作畫觀虎豹隱藏山氣靜蛟龍出沒水靈攢
輕風陣陣飄香遠曲曲幽溪長蕙蘭

蒼溪夜泊

江天日暮水溶溶
遙指離堆何處從
一塔高騰侵月窟
千山聳翠盡雲封
河邊漁火旋明滅
岸上螢光時淡濃
有客泊舟城下宿
使君猶在錦屏東

虎跳驛夜舟

一路山光接水光
忽聞村犬吠聲狂
室廬新舊參差立
林木高低溪徑荒
市上購求惟酒脯
江干排列只薪糧
停舟假寐難成夢
又聽鷄鳴送客忙

贈陳廣文

征途迢遞且加鞭
纒過危峯又濟川
總為授徒施絳帳
寧憂屢諫置針毡
題橋自有匡時畧
投筆何曾乞世憐
此出蒼生知繫命
不需把酒問青天

雪峯寺遊署

舉人任廣魯
西崇善縣 觀邑人

不着黃冠不問禪
山花山鳥兩悠然
跣趺林裏別成世
散髮溪頭欲傲仙
笑我奔忙成障累
怪他擬議落言詮
而今拋却歸無用
綠竹青松白晝眠

避亂水簾洞

貢生石法魯 邑人

嵯峨疑鑿自蚕叢
古洞幽深天際通
樹擁石門推晚照

廣元縣志卷之十三
雲飛峭壁近長空登臨偏有人間恨遠害誰云蜀道同
幾向層岩進絕域乾坤別在一壺中

遊千佛崖

神工穿鑿近江邊別是人間一洞天靈鷲西來移峭壁
釋迦東渡傍青烟盤桓蒼翠百圖出指點形容萬象懸
放意攀蘿凌碧漢曠懷自况學飛仙

廣元卽事

總督周有德 旗籍

葭萌境上暫開牙日日軍儲遠漢巴皎月常連銀甲色
清霜時染寶刀花移時洞壑甘羣小極日谿山自一家

運輓愧無蕭相術呼庚真擬學壘沙

年來錢牧齋吳梅村周櫟園諸先生鄒訐士陳伯

璣方爾止董文友諸同人相繼徂謝棧道感懷

愴然有賦

刑部王士禎 山東新城

載酒題襟處處同平生詩友廿年中九原可作思隨會
四海論交憶孔融春草茫茫人代速落花寂寂墓門空
白頭騎馬嘉陵路惟有羊曇恨未窮

送張企豐任廣元

禮科程鍾彥 江南休寧

由來風景擅三巴攬轡寧辭蜀道賒四野農歌新買犢

一城絃誦罷吹笳心清好飲嘉陵水政簡還栽閬苑花
撫字正需賢令尹褒書指日出 天家

祝張母朱太夫人六十節壽

協辦大學士 戶部尚書 蔣 溥 江南常熟

志節凌霄寶婺聯華筵悅設彩雲翩廿年縞袂完先烈

五夜和丸課子賢鳳詔已頒金闕迥銅符更看錦堂懸

遙知花甲添籌日青鳥啣書繞瑞烟

祝張母朱太夫人六十節壽

吏部尚書 汪由敦 江南休寧

雪繭水絲幾十秋貞筠翠色晚逾稠更無塵土沾裘布

特有 恩波載栢舟綽楔已聞旌宅里歸昌會見起桐

楸青韶律暖稱觴好先取觥籌報海籌

祝張母朱太夫人六十節壽

巡撫 黃叔琳 平北

錦堂設幌晉流霞辛苦冰霜閱歲華灰荻畫成雙樹玉

衣斑舞映滿城花一門懿訓揚彤管卅載貽謀屬絳紗

贏得關關餘澤遠母儀垂範定無涯

祝張母朱太夫人六十節壽

順天府尹 陳兆崙 浙江錢塘

家憐貞婦國旌忠俯仰全肩更不同晚節曹昭榮祿養

早孀謝女泣林風春泉入并時浮鯉夜月如丸恰照熊

正擬題鈔屬彤史鳳啣丹詔下雲中

祝張母朱太夫人六十節壽

保寧莊學和江蘓元相

輝煌寶婺耀葭萌綵滿莎庭花滿城人羨丹萱迎日麗

我欽翠栢耐霜貞丸熊昔課書三篋封鮓今成穗九莖

好羨秋光凝壽水潘輿穩坐聽琴聲

過七盤嶺賦贈張廣元企豐

學院葛峻起河南虞城

羣峰轟轟抱層巔蜀道欣看萬里天勢壓秦川通御氣

形吞巴徼接蠻烟駐平斥堠無烽火俗羨鄉村聽管絃

為奉簡書深祗畏心懸馬首望旌旃

春日過葭萌贈張廣元企豐

侍讀周長發浙江會稽

泳波碧草送嘉陵三載離情觸緒增秋月鳴琴當古驛

春風策馬過芳塍望如石燕山原峻心比葭萌水更澄

化蜀政成膺上考紫泥寵錫鶴頭綾

乙亥新秋寄懷張廣元企豐

掌四川道御史朱嵇山東單縣

葭萌仙尹平安否菊雨燕臺病掩扉萬里統牛新入貢

一年江雁不魯飛堂開壽母民皆子績出萱幃綵伴衣

七載離悰懷遠道慈雲梁月鎮依依

其二

嘉陵潮水照人清更有山光繞郭城駟馬未勞誇卓女
海槎誰復訪君平田間雉伏風迴錦院靜鶴閑客鼓笙
氏樂想能還博古西南筇竹播新名

丙子秋日寄懷張廣元企豐

青燈涼雨鎮相招何事蒹葭巴水遙難縮房公無限地
似嘗方朔幾翻桃聞行萬里終懷土每傍重門奉早朝
却見秋河思遠道百花潭上夢中橋

其二

飛閣連雲指七盤到江天近俯青山狼頭欲走仍迴面
鹿角將崩又幾灣椰酒梅花春逕遠藤梢竹刺訟庭閒
杜陵遺跡如重訪騎馬沙邨任往還

其三

北堂萱色雨中新萬里征鴻喜信頻臥隴山禽知俗化
春雲水碓識官貧皂囊白簡懷公事紫蠓黃柑憶故人
欲問燕臺八月景玉泉寒翠水粼粼

其四

當年分袂嘆蓬征八載離愁滿玉京驄馬空慙無補稱
仙鳥聞說倦將迎披沙金躍還歸冶割麝香真久益清

才大名傳宮青重故鄉宓子有先聲

赴任過沔縣謁武侯祠

邑令張賡謨

百里平原近沔陽定軍山下古墳荒題名虎侶同遺碣
馬孟起墓碑 肖像龍師獨祀堂未鼓雲雷收漢土巴邛
亦在山下 日月入川疆分明伊呂功勳在俎豆人間漢水長

籌筆驛懷古

王師千載此持籌玉帳牙旗駐上游星象不緣沉五丈
歌聲已唱復中州毫端自昔空才思山勢依然作陣樓
日暮烟寒風緊處還疑刁斗起江頭

九日對菊有懷家弟

深山誰遣菊開遲竹外迎風破一枝印匣棲巖憐近拙
秋堂剪燭已當時池塘見草空閒夢花下停杯有所思
插得萸囊知憶我不堪濁酒醉踈籬

過水槽坪

踏雪山腰不待晴每將勤補對生平一叢木葉覆蛇逕
萬壑瀟泉飛雨聲過嶺人從天外至入溝馬自地中行
笑他僻處風猶古下者巢兮上者營

秋日偶興

冷署秋深靜不譁蕭然興味似山家階前綠長千層蘚
石背黃添幾朶花稚筭烘來初試酒名泉汲得每烹茶
小風竹外黃昏雨獨臥空堂聽噪蛙

白鳳仙

翹羽金風皓質明凡胎脫盡倚雲生蕭吹玉女還疑舞
月照丹山竟不鳴立向桐陰侵鶴潔浮來池上壓鷗清
丹黃落却稱流品抗色秋籬欲易名

因公赴省

經落鳳坡謁二師祠

落鳳坡靖侯捐軀地其墓在焉後人

置祠並

像武侯以祀顏曰二師祠士大夫題詩甚夥余讀之而覺有未恰者因即壁間酌爲長

律二首時癸酉八月二十七日也坡在羅江縣西南十里亦名白馬關

萬山盡處謁荒祠正是西風落桂時竹底泉吟須有鳳
林梢月靜應無鷗於今肖像雙畱祀在昔何人獨羨尸
千里定軍孤塚近白雲猶得托幽思

其二

千年合建二師祠作配真能絕一時自應伏龍吟得鹿
不關雛鳳嚇貽鷗碧鷄斗轉紆籌志白馬星飛竟瘞尸
利鈍由來同盡瘁墓門風雨有餘思

初夏弟自葭萌東歸書此寄之

曉日樓頭宿雨晴
陰陰柏樹亂啼鶯
夢回一枕千山濶
人去重關半被輕
水檻花飛隆照水
風簷吏退午庭清
何如分韻挑燈夜
菊綻秋堂入眼明

環翠亭漫興

挨擠不去已三年
物我忘機息倚偏
山水有情應作主
風花無意漫當筵
常擔厚祿羞多病
便繫匏瓜笑更堅
贏得慣來民事簡
焚香靜讀養心篇

其二

挨擠不去已三年
多士風流樂誦絃
講幄陰分春晝永

詩壇漏刻夜燈懸
桂林照月香成陣
文章籠窻碧似烟
畱得儒生情性在
琴聲繚繞落花前

其三

挨擠不去已三年
江上農桑穀雨天
澹沲陰中秧稻長
鷓鴣聲裏蟻蚕眠
山深吏跡經過少
歲稔人家笑語連
耕織幽風今未遠
欲將圖畫補詩箋

其四

挨擠不去已三年
署閣風清吏肅然
詎必科催容木皂
何曾箕歛受金錢
庭幽鼓靜無驚雀
訟息爭平有讓田

化俗未能滋愧赧魯山誠信到今傳

武連驛宿覺苑寺

四月風光雨乍晴武連山色倍分明
翻波麥浪連雲動弄舌鶯簧出谷清
幾日轉蓬羞薄宦一宵僧院識浮名
虛廊夜靜沉斜月猶作寒燈醉後情

勸農

甘雨連朝露氣滋夏田千頃綠參差
樹邊人歇插秧後堰口鋤鳴收水遲
一曲童歌風弄笛數聲鶯語柳垂絲
江頭士女渾如畫處處提壺餉黍時

鑿堰偶成

坡可成田惟乏水江偏足水未堪田欲為
士女通恒利不惜文書借帑錢石堰千條青
繞屋稱秧萬畝綠漫天東郊騎馬西郊入
自有官家作雨泉

支機石

未識支機是耶非於今相見其依依
枉憑寄得人間信却奈無從海上歸
銀漢雲迷星斗隔鵲橋露冷夢情稀
祇因誤傍河源客碧落空虛玉女扉

病起

樹頭初日喜新晴
委委斜廊策杖行
久病乍疑筋力退
趨閒恰得夢寬清
雲移遠岫渾無碍
花托微風似有情
幕底幽蘭深護惜
好將香味供琴聲

和竹坪朱侍御秋日寄懷原韵

倦鳥飛飛更未招
飄零踪跡寄迢迢
貧官不事箕科米
壽母何妨吏奉桃
歲稔千村皆鼓腹
時清四海盡歸朝
無才食祿真堪愧
八載淹留萬里橋

其二

山到川門競鬱盤
臨江有縣總依山
薇根打粉鷄頭嫩
荷葉爲杯象鼻彎
小院風微花落靜
空庭雲淡鳥飛閒
故人昨夜書千里
憶煞城樓蹋月還

其三

別來景物幾番新
懷遠徒勞夢寐頻
誰說宰官渾落實
也知侍御最清貧
騰蛟望重欽雄筆
驄馬聲華避路人
每憶高風何所似
一江秋水碧粼粼

其四

拚空雁字向南征
消息爲傳出上京
日麗花磚窺婉轉
風迴豹尾絕逢迎
於今鉄面誰能識
指顧槐音聽去清

獨有江干貧病宰閒支印竹對泉聲

秋晴懷家弟

積雨連朝喜乍晴山光入戶有餘清
花依露氣香初發人在天涯夢不成
風緊須知姜被薄秋高要想雁書輕
望雲更遣情無賴為破愁城酒一觥

送朱振遠東歸

快聚何當又別離葭萌關下紕行期
兩山束峽輕橈疾一棧連雲匹馬遲
塞雁橫空歸去日桃花滿徑更來時
故園兄弟如相問為道於今鬢有絲

平樂寺卽事

碑在寺內

古寺千年傍翠微藤蘿繞砌護苔衣
屈身老栢如迎客入耳清鐘自息機
濃澹烟嵐山遠近灣環碧玉水週圍
悠悠更似嚴陵瀨落日空江燕子飛

三秋謾興

邑教諭 應德偉 巴縣人

朝聞青女到霜林暑氣全消爽氣森
雁陣斜排雲外字柳衙踈脫澗邊陰
離離草徑樵歌遠隱隱江頭漁罩深
最是秋來清冷處一天風雨送孤砧

其二

寶頂含烟一帶斜垂垂
蓼穗向穠華騁懷便是揚州鶴
泛渚何如海上查
村婦攜筐收橘柚
癡兒爭葉捲蘆笳
秋光到處堪登賞
清供初添苾蒻花

其三

憑伏澆書酒有功
葭萌人立澹烟中
九龍玄豹藏朝霧
百丈哀猿嘯夜風
霜過稷田千穗白
霞烘桂蕊滿枝紅
莫辜吟興三秋色
造化原同塞上翁

其四

沙九西下帶餘暉
一列九峯入望微
戀主烏龍思遠蹤
摩空蒼隼忽低飛
謾言豹祭風初勁
却喜貆劉令不違
萬里君門何日到
連錢蹀躞馬猶肥

小至

緹室初飛子夜灰
寒辰喜見一陽回
工夫誰贈闈中線
消息潛通嶺上梅
試蕪芋魁爐正暖
爲嘗麩部甕新開
三冬文史知何似
便作銀罌翠館猜

邑侯張公志書告成紀事

王錫麟

呂貢生

十年撫字懷冰清
欲效張衡賦二京
本以文章垂至教
豈將麗藻博芳名
立言克紹千秋鑑
敷化還遵百忍聲

大乙校書傳信史葭萌今後發幽貞

邑候張公延師開嘉陵書院德教

曾

性

邑廩生

首崇學校助休明彙集參苓瑞氣生東魯文章來聖地
南軒澤第步前聲栽培芹藻隨時茂整肅廉隅徹底清
羣祝鶯遷彈指日竚看變理慶調羹

恭頌邑候張公德化事實

清和吏治色從新九載棠陰徧脚春移孝作忠原至性
保民若子體王綸曲尋水利開溝洫廣積倉糧捐俸薪
教養貽休應不朽永推億兆戴深仁

南渡孤舟

邑庠生

石崇憲

阿誰輕漿盪孤舟風雨城南古渡頭仙舍不離青雀舫
閭身常傍赤銅洲朝朝鷺影隨銀浪夜夜蟾光漾玉鈞
父老相傳遺跡古猶為指點說源流

雪峯樵歌

雪峯仙境絕塵侵傳道樵歌石上吟斷續聲聲和逝水
悠揚字字識禪心兩肩雪雨乾坤老一担烟雲歲月深
欲訪爛柯人在否桃花巖畔漫招尋

守墓口占

幾曾地下見修文頗隔幽冥意若焚守墓百年終有憾
過庭兩訓再無聞三千筆底空留字萬里天邊獨見雲
滿目淒其何處是月明夜夜照孤墳

辭墓哀吟

白雲飄渺月娟娟今夜辭墳倍可憐笑語如聞猶昨日
音容不覩已三年世間縱有埋憂土心上全無釋憾天
此後哀思應靡盡憂魂嘗繞墓門邊

種樹墓旁之水忽有山泉湧出

忽驚碧水湧峯頭漱灑泉光汨汨流澤物沾濡枯亦潤

照人冷冽夏如秋山靈更覺天工巧神格何須人事求
知是彼蒼憐孝子故開疊嶂注深湫

五言絕句

漫天嶺贈僧

唐元稹

五上兩漫天因師懺業緣漫天無盡日浮世有窮年

中秋月

邑令張慶謨

昨夕明偏缺今宵滿未明如何最圓夜使障白雲行

槐子

溫溫和氣永燦燦素光馨最是相公館特成六出形

遊千佛巖

邑教應德偉

峭壁何空洞攀梯步石樓夕陽纔轉斷千佛倒江流

樵夫歌

曾聞樵石歌胸次何其濶莫作仙人看芻蕘有一得

南渡

沿江信馬行南渡阻征人爲歇柳陰下長年轉楫頻

遊夜月池

冷署渾無事經宵不下簾夜深池上立低首對涼蟾

七言絕句

題漫天嶺智藏師蘭若

唐元稹

僧臨大道閱浮生來往憧憧利與名二十八年何限客
不會聞見一人行

題望喜驛

滿目文章堆案邊眼昏侵得暫時眠子規驚覺燈又滅
一道月光橫枕邊

望喜驛別嘉陵江水二絕

寰宇記嘉陵江水一名西漢水又名閬中水

地圖云水源出秦州嘉陵因名嘉陵江

李商隱

嘉陵江水此東流望喜樓中憶閬州若到閬中還赴海

廣元縣志

卷之十三上

藝文詩

五

閬州應更有高樓

其二

千里嘉陵江水色含烟帶月碧於藍
今朝相送東流後
猶自驅車更向南

題漫天嶺

羅隱

西去休言蜀道難此中危險已多端
到頭未會蒼蒼意
爭得禁他兩處漫

題漫天嶺

高駢

萬水千山音信稀空勞
鬼夢到京畿漫天嶺上頻回首

不見虞封淚滿衣

題千佛巖

刻在佛龕

元監察御史

麻元凱

若大金身五色雲石崖面比了前因
滾滾坡上嘉陵月

萬古千秋幻化身

題千佛巖

刻在佛龕

廣元路總管

達魯花赤

千佛盈巖現蜀山嘉陵江水碧灣環
敬將風物澄清志
對景書情記往還

其二

奉使朝天嶺若仙俯觀錦繡蜀山川
古今豪傑知多少

廣元縣志

卷之十三

上

藝文詩

五

回首燕都路八千

平樂寺即事用南濱韻

碑在寺內

明川楊北道

瞻

愛靜山僧雲裏居江塵不染有誰如尋常只與煙霞伴
攀竹撫松午飯余

其二

老僧自擇倚崖居塵世匆匆總不如團坐竹床過夜半
楞嚴讀得五分余

慈南龕寺用南濱韻

無事山僧愛素居塵埃烏用問何如一瓦可打靈山磬

不必灣弓自有余

其二

古寺荒山老衲居一生只解誦如如心頭肯把佛常記
更比西天佛有余

山行用梅序韻

山頭隱隱見農家竹木參差鳥道斜烟霧濛濛陰靄隔
却嫌老眼頓生花

其二

愛馬山行心不疲轉巖忽見野梅開暗香細細乘風到

勾引如泉詩思來

戲題武后石像

碑在寺內

翰林學士黃

四川南充輝

武都雲雨化妖媧鳳
殿龍宮着處家縱作石人心不死
一身長是愛蓮花

其二

夏萌山色似乾陵
明月空懸萬歲燈
白馬因緣渾未足
尚留遺像伴殘僧

其三

瞋目跣趺淨氎垂
何如鸚鵡坐花枝
依依覺有慈心在

不似袁生乍見時

題雪峯寺八景

碑在寺內

邑令劉崇友

雪峯洞

出近光坡六月寒
峯頭殘雪畫中看
跣趺人去洞常掩
談盡浮雲天地寬

樵歌石

日日山頭聽浩歌
出林無奈老樵何
苔荒片石空基局
疑有仙人隔薜蘿

劃分石

前朝天語護苔文
一劍何年山半分
石筭凌秋龍化遠
牽頭時見散紅雲

龍門洞

巖底靈湫汨汨流
白龍傳說此淹留
海天將雨歸何處
一片黃雲萬畝秋

勸農碑

露冕行春挹香風
桑時復到花宮什
碑猶有紹興字
讀罷亭亭夕照中

百佛崖

巖際曉晴此雪山
山東風笛為款禪
關三直欲演石無語
啼鳥飛花盡日閒

石虎橋

橋上行歌想淨塵
意中流水野雲身
岸餘伏虎誰健
禪力應輪沒羽人

石鼓崖

獵碣曾摩古篆交
誰鑄石鼓拂崖雲
桐枝莫試當前云
大槩從來了見聞

和劉景文雪峯八景依韻
碑在川北姚誠

廣元縣志卷之十三上
文詩

雪峯洞

補老行空錫杖寒春融華界
雪中看洞門深闔入天圓

一枕清涼覺路寬

樵歌看

曾聞樵子倚雲歌看上
徘徊怎著何處去丹臺
仙跡杳

青峯鎮自鎖烟蘿

劍分看

剔殘苔蘚別鑄交何事
貞珉似劍分祇為點頭聽
說偈
劈開頑瞋正紅雲

龍門洞

功德淵源接派流空王八部
此中醫高僧泥注驚龍起
潭底寒生萬頃秋

勸農碑

先朝民事讀豳風碣石雄文
屹梵宮更復試筴凌法眼
宰官慈禁滿崑中

百佛崖

兀兀騰騰此一山誰開石壁
透禪關須知有相終非相
片石無情自是閒

石虎橋

溪橋行處絕埃塵寶鼎元藏金虎身聞說遠公心獨冷
止於橋畔送行人

石鼓巖

不觀當年石鼓文千尋峭壁鼓眠雲分明現出無中有
遠向無中了見聞

龍門寺

任瀚

劍外烟花春可憐尋芳遙坐翠微烟君侯未放郎官醉
更上淺溪大載酒船

蘇軾臺浴擣遊皇澤寺命和黃太史揮戲題武后

石像三之一

舉人廣西崇善縣知縣曾觀邑人

鍊石空聞說汝媼青葱到處渾無家從容收拾迴天手
曲檻山泉幾株花

上真觀

授資江西龍泉縣知縣貫玉鉉邑人

金山暮靄觀飛烟繡閣凭臨劍外天簾捲勝騰清夜月
蒲村燈火射平川

蓮羊模峇

貢佳石法魯邑人

散步尋芳近洞天羊模峇裡間神仙金爐丹皂今何在

望聽江流野鳥喧

入蜀境

總督 周有德

蜀門終古關青天獨控銀驄曉渡關數換階臺歸未得

鵝聲啼斷萬重山

七夕後一日蜀逆再犯廣元

使鐵何辭廢壁門秋風初蕭瑟游魂身先殲騎飛牙蘇

自袒戎衣看箭痕

運道阻絕蜀逆乘機來寇余每戰弱自被堅渡江

剿敗之日久極累無入川之期力主班師

絕似逍遙河上師籌沙無術更安之全軍隨會知難久

振旅山民逆命時

嘉陵江上憶家

刑部 尚書 王士禎

自入秦關歲月遲棧雲隴樹苦相思嘉陵驛路三千里

處處春山叫畫眉

龍門閣

潛水入嘉陵江處即龍洞背亦名葱嶺

四圍碧玉色峻嶒著箇行纏盞飯僧松末風來龍背冷

坐看流水入嘉陵

籌筆驛

朝天峽上三十里

當年神筆之羣靈千載風雲護驛亭今日重過弔陳跡

祇餘愁外舊山青意中流水遠愁外舊山青石曼卿題句

利州皇澤寺則天后像二首像是一比邱尼

鏡殿春深往事空嘉陵禍水恨難窮曾聞奪堦瑤光寺

持較金輪恐未工洛陽伽藍記瑤光寺尼工奪堦

其二

瓦官寺裏定香熏詞客曾勞記錦裙今日蘭橈碧潭上

玉溪空自怨行雲李義山利州江潭詩欲就行雲散錦遜自注感盈字金輪處

廣元舟中聞棹歌

江上渝歌幾處聞孤舟日暮雨紛紛歌聲漸過烏奴去

九十九峯多白雲

過大沿

邑令張賡謨

崖際雪深苔徑銷行人跨水走山腰坡灣斷處疑無路

拳石斜撐又作橋

其二

四圍峭壁漫尋途小徑峯迴去有無聽斷泉聲聞斫木

碧雲頭上立樵夫

聞畫眉

其四
策馬歸來草樹風
山光撩亂夕陽紅
過橋更覺農歌近
直把時和卜歲豐

其四

策馬歸來草樹風
山光撩亂夕陽紅
過橋更覺農歌近
直把時和卜歲豐

羊模河水

羊模小河深見底
萬山着黛總分明
可憐出峽臨官道
一入長江再不清

城南泛舟

邑教 應德偉 論

南河一帶草芊眠
好友相攜上畫船
瀟瀟浮萍平貼水
微風蕩漾綠田田

其二

花鴨羣羣出蒿叢溪邊暖暎趁微風綠蘋香裏回舟處
又見新霞片片紅

懷徐大元振

醅醕一盞酬西風詰曲登高薜荔叢不可久留山色暮
頽唐猶自數飛鴻

其二

練蟻釀馨唯對酒烏絲闌貴更裁詩多君憐我參魚癖
何日三牌奉一瓊

其三

弘治名流夙有緣少陵下拜亦多年水中塩味羚羊角
始信譚詩不用詮

其四

閩苑文章舊有名清華聲價重連城故人都自亭亭上
莫負彈冠貢禹情

<p>10</p>	<p>...</p>
<p>...</p>	<p>...</p>
<p>...</p>	<p>...</p>
<p>...</p>	<p>...</p>

